



**SIARAN MEDIA BERSAMA
3 MAC 2023**

**MBSB BANK DAN PREC BEKERJASAMA DALAM MEMACU
PERNIAGAAN TANPA TUNAI DAN PEMERKASAAN PKS**

PETALING JAYA, 3 MAC 2023 – MBSB Bank Berhad (MBSB Bank) dan PKNS Real Estate Sdn Bhd (PREC) telah menandatangani Memorandum Persefahaman (MoU) untuk bekerjasama dalam memacu perniagaan tanpa tunai dan memperkasakan perusahaan kecil dan sederhana (PKS).

MoU itu dimeterai oleh Ketua Pegawai Eksekutif Kumpulan MBSB Bank, Datuk Nor Azam M. Taib dan Ketua Pegawai Eskekutif PREC, Sr. Fakru Radzi Ab Ghani di SACC Mall, Shah Alam.

Kolaborasi strategik ini akan memberi peluang kepada peniaga-peniaga yang beroperasi di bangunan milik PREC seperti SACC Mall, Kompleks PKNS Shah Alam dan Kompleks PKNS Bangi mempergiatkan lagi perniagaan mereka menerusi platform *real-time retail payment platform* atau *RPP* seperti aplikasi DuitNowQR yang boleh digunakan melalui Aplikasi Perbankan Mudah Alih dan e-Dompet.

Menurut Ketua Pegawai Eksekutif MBSB Bank, Datuk Nor Azam M. Taib, “Kolaborasi strategik MBSB Bank dengan PREC ini akan memberikan manfaat dan kemudahan kepada peniaga-peniaga di premis-premis yang dikawalselia oleh PREC menerusi penggunaan produk-produk digital kami melalui platform RPP yang diuruskan oleh Payment Network Malaysia (PayNet). Transaksi tanpa tunai yang ditawarkan menerusi RPP dapat menjimatkan kos operasi masa dan membantu mempertingkatkan proses pengurusan kewangan yang lebih cekap. Ianya juga sedia digunakan sepanjang masa kerana beroperasi 24 jam sehari.”

Tambahnya lagi, “Dalam pada itu, dengan pendigitalan premis-premis PREC, ia dapat menarik lebih ramai pelanggan kerana pembayaran secara digital adalah lebih mudah, selamat dan menjadi pilihan pengguna masa kini. Premis-premis PREC juga menjadi fokus MBSB Bank untuk kami adakan kempen-kempen promosi produk kerana lokasinya yang strategik. Tumpuan juga akan diberikan kepada pengukuhan PKS melalui pembiayaan kewangan mikro jangka pendek dan sederhana berdasarkan keperluan perniagaan mereka. Ia juga akan melalui proses penilaian yang lebih ringkas tetapi teliti berdasarkan data-data transaksi perniagaan mereka.”

Sementara itu, Sr. Fakru Razi Ab Ghani berkata, “Pihak PREC berbesar hati dengan kolaborasi ini yang bertujuan untuk membantu memudahkan urusan para peniaga dan pembeli di premis-premis bangunan milik PREC dengan membuat transaksi secara digital seperti e-Dompet dan aplikasi DuitNow yang disediakan oleh MBSB Bank.”

Katanya lagi, "Kolaborasi ini dijadualkan akan berlangsung pada hari Festival Ramadan Selangor 2023 atau lebih dikenali sebagai FESTIRA'23 bermula iaitu pada 5 Mac 2023 (Pra Ramadan) selama 48 hari sehingga 21 April 2023. Sebagai permulaan, sasaran utama kolaborasi ini adalah kepada para peniaga yang terlibat dengan FESTIRA'23 dimana para peniaga akan membuka akaun MBSB Bank dan menggunakan perkhidmatan perbankan secara digital dalam proses jual beli. Tahun 2023 merupakan tahun ke-10 penganjuran FESTIRA di pusat membeli-belah milik PREC iaitu Kompleks PKNS Shah Alam, SACC Mall dan Kompleks PKNS Bangi."

-Tamat-

Untuk maklumat lanjut, sila hubungi:

Shaharezan Bin Shahadin
Bahagian Pemasaran & Penyewaan
PKNS Real Estate Sdn Bhd
E: shaharezan@prec.my
Tel: 03 5870 2277

Nik Surina Suria Nik Abdullah
Jabatan Pemasaran & Komunikasi Strategik
Bahagian Strategi Korporat
MBSB Bank Berhad
E: niksurina@mbsbbank.com
Tel: 03 7455 5562

Mengenai PKNS Real Estate Sdn Bhd

PKNS Real Estate Sdn Bhd (PREC) ialah sebuah entiti khas yang ditubuhkan pada 2012 sebagai cabang pelaburan untuk kumpulan syarikat Perbadanan Kemajuan Negeri Selangor (PKNS). Sebagai unit penting dibawah kerajaan negeri Selangor, PREC menerajui pelaburan berkaitan harta tanah untuk keseluruhan Kumpulan. Portfolio harta tanah terpelbagai syarikat termasuk pelaburan, pengurusan aset, pengurusan runcit dan nasihat. PREC berhasrat untuk memperoleh lebih banyak aset komersial yang berdaya maju pada masa hadapan. Antara aset yang dimiliki dan diuruskan oleh PREC termasuklah Menara Worldwide di Bukit Bintang, Menara PKNS PJ, SACC Mall, Kompleks PKNS Shah Alam, Kompleks PKNS Bangi dan Wisma Yakin.

Mengenai MBSB Bank Berhad

MBSB Bank Berhad (MBSB Bank) merupakan sebuah Bank Islam sepenuhnya di Malaysia yang menyediakan kemudahan perbankan patuh syariah kepada pelanggan runcit dan korporat. MBSB Bank, melalui keupayaan digitalnya, memperluaskan saluran perkhidmatan secara dalam talian seperti perbankan mudah alih dan cawangan maya. Pada masa yang sama, MBSB Bank menyasarkan untuk membawa impak positif dan mampan kepada ekonomi, komuniti dan alam sekitar dengan menggunakan Matlamat Pembangunan Lestari Pertumbuhan Bangsa-Bangsa Bersatu (UNSDG) dalam operasinya. Melangkah ke hadapan, MBSB Bank memfokuskan ke arah menjadi institusi kewangan Islam yang matang sepenuhnya menjelang tahun 2025 yang dijenamakan sebagai Journey25 (J25).